

AGLAI
ILLUNAINORTUT.



Nr. 2

Nain, Februar 1902.

Nr. 2

Malligaksat nutát,
Julime 1me 1902 me pigiarniartut.

Uvagut Angajokaujogut Londoneme, illinganise Niu-
vervipingnut issumaksarsiorutigildarpavut ama járeme
tamattomane nutámik. Taimaidluta tukisivogut Mal-
ligaksanik nutánik pijariakadlarapta, takoniar-
tapsingnik malliktune. Tapkoa malliktaurkovavut adsi-
gêktmik niuvertinullo inungnullo.

Akkiliksapse unurningit pèrpavut. Taimailiorlu-
ngilagut, akluidlarapta tunitjijungnarlutalo akkiliu-
tiksamik kimut, kiglormulle akludlarnivut kaujimanarpok
piluartomik, kenujariakarapta kènaujanik assiptionit,
Missione akunapsingne pigañerungnarkovlugo. Tai-
mailiorpogulle, uvaptingnut nellonarungnaemat
unuktut akunapsingne ajormatta akkiliksamingnik pèrsi-
lutik, illa taimailiorpogut, illipsetauk tunga-
nelitaurkovluse idluarnersamik.

Piniarasuarpogut ajugaringitaptingnik piulijaukovluse
akkiliksálupsingnit, okpermarikpogullo, malligaksat uk-
kua námaktomik ákitaulematta illinganipsingnut attunit.
Tukisitsiartuksauvosele akkiliksarsiornek sivornganetut
pijunguarñarungnaemat, illinganermik sivornganetut

tussugungnaermarigapta. Taimaimat Malligaksat ukkua malliktaukovavut katsungaitomik illipsingnut, sorlotauk Niuvertit Angajokángallo perkojaungmatta tapkoa piniaratigilugit.

1. Angutit attunit akkiliksarsijungnarput piutiksamik sakkertit-ikatarmitik malliklugo, illangit dollarinik 5nik, illangit 10, illangit 15, illangit 20, illangit 30, illangit 40, illangit 60, illangillo 80; anginersamik akkiliksarsiviksau-ngilak kinamullónét. Inósuktut 18nik járelit sakkertitsi-katarmitiktauk malliklugo akkiliksarsijungnarput, 5 dol-lar ungatánut pijuksaulungilat. Niuvervekatainarasuar-tullo uvaptingne, assianiglo nunatártut, pigiarningine akkiliksarsijungnarput 10nik dollarenik.

2. Akkiliksarsiviksak tamaña avitauniarpok adsigék-tomik takkernut 8unt, Novemberemit Juni tikitlugo. Takkib atortaujub pinga kissime piviksauniarpok, king-orlingillo piutaujungnaratik nelliusimakártinagit.

3. Angutit ilúnatik akkiliksaertuksauvut Septemberib nálerningane. Akkiliksaingitok nutámik akkiliksarsijung-nangilak, akkiliksangit ilúnaita akkilertaukártinagit.

4. Angutib akkiliksarsiorutigikatartangat anginersau-titaujungnarniarpok dollarinit ikkitunit unurnersanut, járit pingasut kingorleréktut návlugit akkiliksaitsainar-pat, aglaillo unipkártut piniarnerilauktanginik járine ta-makkonane sakkertitsipatta sappingininganik akkilé-giamik anginersamik.

5. Niuvertit angajokángat kamatsiarniarpok, angutillo illangat sapperasugiguniuk pivigikatalauktanga máñamut akkilerniarlugo, tagva angutió tapsoma akkiliksarsioruti-gikatartanga ikiglitillugo perkojauvok.

6. Tuõsemut pijariakortojut, imaitut: nerke, auoráksak, tobacco, sakko tamát piviojungnarniarput niuervingme amigangipatta angutib piutigijungnartanganut akkiliksarsivekarningane sulle, assingille ilúnatik Niuvertib issumanganut.

7. Angutit terianianik pinasuarnersaulerkovlugit attasijungnarpur mikigianik mikijunik angijuniglo unurnersanik akkekangitomik, atunit kiojuksauvut tapkoa pivlugit. Pissijaksaujunik mikigiakarniarpektauk akkikitunik.

8. Sioraujat mingeritjanut atortaujut akkuliutitauniangilat akkiliksaut, ingmigulle aglaniarput, pértaujuksautiglo mingeriat niuervingmut átaungmatta.

9. Akkiliutiksakarune, angut akkiliksakangitok perku-tisijungnarpok akkikinernanik. Tapsomunga 10 centetõrtut 9 centeotuinarniarmatta, upvalo dollaretõrtut akkekariakatuinarniarmatta 90 centenik.

Uvagut Angajokaujogut Londoneme:

J. H. Edwards, J. M. Wilson, R. Elliot, J. T. Waugh, G. E. Bateman, W. Muller, J. F. Pensel, C. J. Klesel.

Kéta sulle okausekaremavunga malligaksat ukua pivlugit. Akkiliksase unuktut, illangillo máñanitaungitut ochumaijutigilaukpase, ochumaijutigilaukpavullo, angajokáptalo kiksautigilauktangit kiglinganit. Tapkoa malligaksanut ukununga pértauvut, pértauvut Juline Ime 1902me, amiakokatuinarlutik sappingimariktapsingnik attunit akkilegianut. Amiakungata angininga, tagva piutigijungnartapse angininga akkiliksanut járine kainiartune. Kuviasütiginiarpalukpase akkiliksase sappiutigijase taimak pértangmatta, nellagóremagamale okauti-tuinarpapse, unuktut akunapsingne akkiliksakangigalloar-lutik okiane kainiartune, anginersamik akkiliksarsiniarpalungilat piuserilauktamingnit járine kãngerkaujune.

Akkiliksakarnek sivornganotut tussugijaujungnair-
mrikpok angajokäptingnut, idluarkutiksapsingnullo
illingajungnatsangimat, agviarasuarniarpavut katsungai-
luta. Imaıtıne piloringnersauniarpose: piutekarnipsingne
piutigijungnarnersariniarpase issumapsingnik, sivorngane
akkiliksanut illingajariakakatartilugo. Piutiksakakatarni-
se akkiliksakarase tussugijauvek argijenik, taimaglo
pissijaksat pigijungnarapsigik akkikinerautilugit.

Malligaksat ukua issumaksarsiorutigisigik, tapk nane-
lo tukisinangitekarpat apperkutiginiarsiuk uvannut,
kanoengikuma nellipsarvigijemavapse ekiome.

Nálekanut pitsiarviodlarajarupse aujame, agviartau-
ngilase akkiliksavinise issumagigalalugit.

Malligaksat Augusteme 1900me pigialauktut, mallik-
taurkojauvut malligaksat nutat pigiarninginut.

Malligaksat nutat pigiarningine (Julime 1902me)
malligaksat nutaungitut sullijungnaertitauniaralloarput.
Imaiporle, akkiliksalik aulainajarune, sivornganetut pi-
niarvioniarpok niuvervekarungbairlune. Erkaumaniatsai-
naritse, niuvervekarnivut illingalungimat angajokäpta
ajokertortipselönët akluititauniksanganut, Missionekar-
niksanganulle akkunapsingne. Taimaimat akkiliksakangi-
kalloarluse aulainek uloreagijaksarivase, ikärtuksanigle
kaitsiluse, idluarkutiksapsingnut illinganiarmat.

Sorairlunga kenuvigivapse, ikajoritse ajugaringitapsing-
nut malligaksat ukua malliktautsiarkovlugit.

Chr. Schmitt.

Aglársuit „Takkorngartab Arvertarninga” néneraimav-
lutik pissijaksaulermatta niuvervipingne kaujimalauniar-
pose. Atunit 20 centetörtut.